

Mehr Öven to de Datenverwaltung

Düsse Öven sünd bloots wat för Lü, de ehrn Computer würllich wiesen wüllt, wokeen de Baas is. Wenn Se dormit nich klaarkaamt orr meent, dat Se de Techniken nich bruken daat, denn laat Se dat na. In'n Normaalbedreev kaamt Se ok ahn düsse Fertigkeiten klaar.

Verknüppungen:

- Leggt Se en niegen Ordner **Spiele** direkt op den Desktop an.
- Leggt Se in düssen Ordner Verknüppungen to alle Spele, de Se op SeEhrn Computer liggen hebbt.
- Leggt Se den Ordner as Verknüpfung in de Schnellstartliest.
- Ännert Se dat Symbol in de Schnellstartliest.
- Klaart Se dat Ganze wedder op: Ordner löschen, Verknüpfung in de Schnellstartliest löschen.

Söken:

- Söökt Se alle Datein, de innerhalb vun de letzten 4 Daag erstellt woom sünd.
- Nu söökt Se bloots de *Word-Dokumente*, de innerhalb vun de letzten 4 Daag erstellt orr ännert woom sünd.
- Söökt Se alle Datein, in de ehrn Naam de Bookstaven „mein“ vörkaamt.
- Söökt Se in'n Windows-Ordner alle Datein, in de de Text „ini“ vörkümmt.
- Wa veel Word-Dokumenten liggt op SeEhrn PC, in de dat Wort „Dienstag“ vörkümmt?
- Wa veel *ausführbare Datein* (Programmdatein) giff dat insgesamt op SeEhrn PC?

Söken un Dateiverwaltung:

- Finnt Se de Datei **freecell.exe**.
- Kopeert Se de Datei in en Ordner **Spiele**, den Se op den Desktop anlegt.
- Nöömt Se de Datei üm in „Min allerleevstes Spiel“ orr so ähnlich.
- Start Se de Datei mal vun'n Desktop ut un mal ut den Explorer.
- Föögt Se de Datei babento in den Ordner **Eigene Dateien** in.
- Löscht Se den Ordner **Spiele**.

Noch en Opgaav to Söken un Dateiverwaltung:



- Leggt Se en Diskett in't Diskettenloopwark.
- Övertüügt Se sik, dat de Diskett lerrig is. Wenn se nich lerrig is, formateert Se ehr.

Formateern vun Disketten

Bi't Formateern vun en Datendreger warrt alle Daten unwedderbringlich löscht un de Spoorn un Sektoorn op den Datendreger nieg schreven. Dat is so, as wöör en Goornweg harkt, dat alle Footspoorn utlöscht sünd un dat regelmäßige Muster nieg schreven is. – Dat schullen Se bloots doon, wenn Se mit den Datendreger as vun Null wedder anfangen wüllt.

So geiht't:

In'n Explorer de Diskett rechtsklicken,
in't Kontextmenü **Formatieren...** wählen,
de Opschoon **vollständig** anklicken,
denn **Starten** anklicken.



De Rest löppt vun alleen. Se köönt de Schriev-Lees-Köpp nu liesen kratzen höörn, as se alle Spoorn op de Diskette nieg schrievt.

Wenn't trecht is, kriggt Se en Mellung.

- Leggt Se sik op de Diskett en Ordner an, den Se **Textdateien** nöömt.
- Leggt Se in düssen Ordner noch twee Ordner an. De een schall **Readme-Dateien** heeten, de annere **Sonstige Dateien**.
- Söökt Se in'n Ordner **Programme** op de Fastplatt C: alle Textdateien, de ehr Dateinaam jüst 6 Teken lang is.


- Wenn in dat Ergeevnis vun de Söök Datein mit Naam **readme.txt** sünd, kopeert Se de öllste vun düsse Datein in den Ordner **Readme-Dateien** op de Diskett.
- Wenn in dat Ergeevnis vun de Söök ok anner Datein sünd, kopeert Se düsse Datein in den Ordner **Sonstige Dateien** op de Diskett.
Mööglichst kopeert Se alle düsse Datein op een Slag!
- Maakt Se de Readme-Datei vun de Diskett apen.
- Föögt Se an't Enn vun de Datei SeEhrn egen Naam to.
- Spiekert Se de verännerte Datei ünner SeEhrn egen Naam in den Ordner **C:\Eigene Dateien**.
- Nehmt Se de Diskett ut dat Loopwark. Fertig.

För Kniffelfrünnen:

- Wa heet un woneem liggt de Programmdatei vun'n Windows-Taschenrekner?

Lösung:

Hier mööt Se sik an erinnern, dat de Indrääg in't Menü **Start | Programme** allens Verknüppungen sünd – un Verknüppungen köönt Se fragen, worop se wiesen daat!



The image shows a Windows 98 desktop with the Start menu open. The 'Programme' menu is expanded, and the 'Rechner' (Calculator) option is selected. A context menu is visible over 'Rechner', with 'Eigenschaften' (Properties) highlighted. In the foreground, the 'Eigenschaften von Rechner' (Properties of Rechner) dialog box is open, showing the 'Allgemein' (General) tab. The 'Ziel:' (Target) field contains the path 'C:\WINDOWS\CALC.EXE'. The 'Zielort:' (Target location) is 'WINDOWS' and the 'Zieltyp:' (Target type) is 'Anwendung' (Application). The 'Ausführen in:' (Run in) field is empty, 'Tastenkombination:' (Shortcut key) is 'Kein' (None), and 'Anzeigen in:' (Show in) is 'Normales Fenster' (Normal window).

Blädert Se den Taschenrekner op – süh Bild – un rechtsklickt Se em.

Wählt Se ut dat Kontextmenü den Befehl **Eigenschaften**.

Un süh! Batz is de Anter dor.